

# Акафист первоверховным апостолам Петру и Павлу

## Кондак 1

Избранныи проповедницы А́гнца Непоро́чнаго, за ны заклáннаго, Христá Бóга, преслáвнии Апóстоли Пётре и Пáвле! Яко Боговѣдением концы́ мíра озарíвшии и обильне струя́ми благодáти напоившии, и ныне с любóвию призрите на чтúщия усérдно пáмьять вáшу. Испóлните нас дýха премýдрости, сердца́ нáша вѣрою утвердите́, да непрестáнно благодарственная вам поём, со умилѣнием зовúще:

Рáдуйтесь, святыи первоверхóвнии Апóстоли Пётре и Пáвле.

## Икос 1

А́нгели благовѣстницы явíтеся на земл́и, Апóстоли Пётре и Пáвле блаженнии, занé от Самаго́ Винóвника спасéния нáшего на дѣлание вáше призвáни б́ывше, широтú всея́ земл́и обтекóсте, иуде́ом и еллином Христá распя́таго, Бóжию С́илу и Бóжию Премýдрость, проповѣдающе. Тѣмже и мы, свѣтом учéний вáших озаря́еми, сёрдцем и усты́ взывáем к вам сицевáя:

Рáдуйтесь, звѣзды светозáрныя, от востóка возсия́вшаи и всем лю́дем путь ко Христú показáвшаи; рáдуйтесь, Цѣркве Христóвы утверждéние и столп́и непоколеб́имии.

Рáдуйтесь, власть вязáти и реш́ити грех́и нáша от Христá приимшии; рáдуйтесь, во святых́ писáниих вáших к вѣре и уповáнию на Бóга вся ны призывáющии.

Рáдуйтесь, в житии вáшем óбразы обращéния согрешáющим яв́ившии; рáдуйтесь, высотú любвѣ́ истинныя слóвом и дѣлом нам показáвшии.

Рáдуйтесь, святыи первоверхóвнии Апóстоли Пётре и Пáвле.

## Кондак 2

Видя́ тя, апóстоле Пётре, на мóре Галилѣ́йстем вкúпе со Андре́ом, брáтом твоим, вметáюща мрѣ́жи, Госпóдь рече́ вам: «Гряд́ита по Мне, и сотворю́ вы ловца́ челове́ком». И áбие, оставльше мрѣ́жи, по Нем идóсте. Тѣмже, красотó Цѣркви вселѣ́нския, сотвори́ и нас предстáтельством твоим скóры быти на дѣлание за́поведей Бóжиих, кóсны же ко грехú, да, злóбою младѣ́нствующе, дост́игнем вси в мѣру вóзраста мýжа совершенна, пою́ще Бóгови: Аллилу́иа.

## Икос 2

Рáзум Божѣ́ственный освети́ тя, Пáвле, избранный сосúде Бóжий, егда́, ревнúя о отѣческих предáниих, шѣствовал еси́ в Дамáск гон́ити Цѣрковь Христóву. Тогда́ бо внеза́пу сия́ние Сла́вы Госпóдни облиста́ тебе́ и глас бысть с Небесé: «Сáвле, Сáвле, что Мя гóниши?» Ты же, áще зрѣнием плотским омрач́ился еси́, но дýхом узрѣл еси́ С́илу и Сла́ву Христá распя́та, тьму просвещáюща и любóвию Цѣрковь Свою́ созидáюща, и тогó рáди плен́ился еси́ дýхом, пока́яние и послушáние нося́ и глагóля: «Гóсподи, что сотворю́?» Посём, восприим жрѣ́бий апóстольства от руки́ Госпóдни и крещ́ение водо́ю и Дýхом от Ана́нии блаженнейшаго, яв́ился еси́ пред́ивно сосúд избранный благодáти и свидѣ́тель немóлчный Спас́ителя нáшего, от Него́же и мы, просвещáеми, пѣти тебе́ навькóхом сицевáя:

Рáдуйся, свѣтлосте церкóвная, от Свѣта Неизречѣннаго на пути пречúдно во откровѣние язýков возжѣнная; рáдуйся, знáмения Сýлы Бóжия в житии твоѣм чúдно явívый и тем устá непокорívым навѣки заградívый.

Рáдуйся, сосúде избрáнный, мѣньша от Апóстол и пѣрваго от грѣшник себѣ сокрушѣнно нарекый; рáдуйся, якоже Херувím тайнозритель, дáже до трѣтяго Небесѣ вѣроу и любóвию вознесѣнный.

Рáдуйся, якоже Серафím пламенный, рѣвностию по Бóзе непрестáнно снedaемый и истаеваемый; рáдуйтесь, Пáвле и Пѣтре, благовѣстия трубы громогласныя, основáния вѣтхаго мýра, якоже Иерихóн вторый сокрушившия.

Рáдуйтесь, святии первоверхóвнии Апóстоли Пѣтре и Пáвле.

### Кондак 3

Сýла Вышняго, в нѣмощех познаваема, излия на тя, Пáвле, адаманте вѣры, благодáть на благодáть, занѣ нелóжно исповѣдовал есý: «Вся могу о укрепляющем мя Исусе». И войистину проповѣдал есý Евангелие во явлѣнии Дúха и сýлы, творя великая и неизречѣнная, слáвная же и ужáсная, яко не вѣдущии Бóга Боговѣдению научáхуся, сердца ожесточѣнная елѣом милосѣрдия напаяхуся и вся óвцы расточѣнныя во оградý Пáстыря Едýнаго отвсюду стекахуся, Емýже и пѣти согласнó научишася: Аллилу́иа.

### Икос 3

Имѣя дерзновенную любóвь ко Гóсподу, шѣствовал есý, Пѣтре, по водам воздвизаемым, яко по сýху. Но áще и потоплѣнием был есý устрашаем и сомнѣнием обуреваем, не потопился есý в пучине, понѣже простерл есý рúце и óчи ко Спáсу, вопия Емý из глубины сердечныя: «Гóсподи, спаси мя». И в той час рúку пóмощи восприял есý от Христá, Избáвителя нашего. Тáко и мы в сей юдóли земней, бедáми устрашаеми и волнáми страстей потопляеми, взирающе на течѣние твоѣ, к тóхому пристáнищу дóбре нас наставляющее, благодарственнó воспевáем ти сýце:

Рáдуйся, кáменю вѣры многоцѣнный, от Кáмене Краеугольна избрáнный и утверждѣнный; рáдуйся, храме Дúха Святáго, многоразличными даровáньми от Того преизрýдно украшѣнный.

Рáдуйся, рыбарю препрóстый, премýдрости Бóжия исполненный, ейже от человек никтоже протívитися мóжет; рáдуйся, самовидче величия Бóжия, пáче царей и слáвных земли от Гóспода на вся вѣки прослáвленный.

Рáдуйся, хáртие одухотворѣнная, в нýже óгненными письмены слóво Бóжие вписáся; рáдуйся, с Пáвлом апóстолом светило равночѣстное и незаходимое.

Рáдуйтесь, святии первоверхóвнии Апóстоли Пѣтре и Пáвле.

### Кондак 4

Бýрю лóтых искушѣний воздвиже дрѣвле человекоубийца, исконй искый Цѣрковь Бóжию потребити и ученикй Спáсовы, якоже пшеницу, рассѣяти: но Госпóдь молися о тебѣ, Пѣтре, да не оскудеет вѣра твоя. И тáко, от Спáса просвещаемь и от Него в нѣмощи укрепляемь, войистину сокрушил есý чѣлюсти вражия и обрацца утвердил есý брáтию твою, поя Бóгу: Аллилу́иа.

#### Икос 4

Слы́шаще, Па́вле премúдре, о дивнем избра́нии твоём, во е́же возвестíti имя Го́спода Иису́са наро́дом и царём и сыно́м Изра́илевым, и ви́дяще тя в сло́ве, в житии, в любви́, в ду́се, в ве́ре, в чистоте́, якоже све́та язы́ком во спасе́ние их поста́влена, неве́рнии ве́рою просвеща́хуся, ве́рнии же, ликовству́юще, Го́спода прославля́ху. Те́м же и мы, сора́доватися за́поведь прие́мше, прино́сим ти гла́сом ра́дования такова́я:

Ра́дуйся, ве́рный служи́телю Христо́в, вся сла́вная ми́ра якоже сор и прах вмени́вый и всем себе́ порабо́тивый Христа́ ра́ди и Ева́нгелия; ра́дуйся, до́брый во́ине Христо́в, во вся ору́жия Бо́жия облече́нный и вся язы́ки в послуша́ние Христо́во покоривый.

Ра́дуйся, же́ртво приятнейшая, Христу́ сораспе́ншаяся, Христа́ ра́ди по вся дни умира́ти приобы́кшая; ра́дуйся, се́ятелю слеза́ми мно́гими, у́знице и испове́днице пресла́вный, я́звы Го́спода Иису́са Христа́ на теле́ твоём ра́достно носивый.

Ра́дуйся, сла́во и похвало́ Це́ркве Вселе́нския, позори́ще ми́рови бы́вый, глад, жа́жду, наготу́, би́ение и поруга́ние за Христа́ многоча́стне претерпе́вый; ра́дуйтесь, Па́вле и Пе́тре, Апосто́лов украше́ние, ми́ру благовестни́цы, Це́ркве утвержде́ние.

Ра́дуйтесь, святи́и первоверхов́нии Апосто́ли Пе́тре и Па́вле.

#### Кондак 5

Боготе́чная звезда́ яви́лся еси́, Па́вле, егда́ тече́ние твоё, пресве́тло начён от Дамаска, да́же до Ри́ма простёрл еси́ и, якоже пре́жде звезда́ от восто́к научи́ волхвы́ кланя́тися Со́лнцу Пра́вды, си́це и ты, Богомúдре, путь ко Христу́ показа́л еси́ всем, хотя́щим дости́гнути спасе́ния, взыва́я со дерзновением мно́гим: «Подража́тели мне быва́йте, якоже и аз Христу́». Ему́же и пе́ти научи́л еси́ нас еди́ними усты́: Аллилу́иа.

#### Икос 5

Ви́дев на горé Фаворстей Сла́ву Единоро́днаго от Отца́, оде́яна Све́том, яко ри́зою, хотя́ща же за ны обещи́ся в ри́зу поруга́ния, глаго́лал еси́, Пе́тре, Иису́сови, прови́дя сла́ву несказанну́ю искупле́нных Кро́вию А́гнца Непоро́чна Христа́: «Го́споди, добро́ есть нам зде бы́ти». Сего́ ра́ди и мы, ро́ди да́льнии, лишени́ чистоты́ светоза́рныя, а́ще и недостой́ни су́ще, оба́че твои́м а́нгельским гла́сом призва́нии к насле́дию нетле́нну, чи́сту, неувяда́ему, соблюда́ему на Небесе́х, якоже о́бщницы хотя́щей откры́тися Сла́ве, воспева́ем ти си́це:

Ра́дуйся, блаже́нне, от Присносу́щныя И́стины досто́йно «блаже́н» нарече́нный; ра́дуйся, би́сере предоб́рый, от Го́спода при э́зере обрете́нный и све́том от Све́та осия́нный.

Ра́дуйся, от Самаго́ Искупите́ля ро́да челове́ча на про́поведь Ева́нгелия послан́ный; ра́дуйся, вои́стину лове́ц челове́ков явивыйся, ты бо, якоже и пре́жде, благода́тию влече́ши ду́ши омраче́нныя в чу́дный Свет Христа́ Бо́га.

Ра́дуйся, исто́чнице животво́рный, от Исто́чника жи́зни ве́чныя истекый и от бога́тства даро́в Ду́ха Свята́го жа́ждущия ду́ши напо́яяй; ра́дуйтесь, Пе́тре и Па́вле, якоже Серафими́ шестокрыла́тии, у Престо́ла Царя́ Сла́вы паря́щими и ко све́ту Тайн Бо́жиих приница́ющими.

Ра́дуйтесь, святи́и первоверхов́нии Апосто́ли Пе́тре и Па́вле.

## Кондак 6

Проповѣдник немолчен и по смѣрти твоѣй, Пѣтре Богоносне, явился еси, зане с неба мысленнаго, якоже гром таинственный, о звании христианством многообразно напоминаеши. Мы же, ведяще любовь твою николиже отпадающе и молитву о нас непрестанно у Престола Божия деему, поем сердцем умиленным: Аллилуиа.

## Икос 6

Воссиял еси, Павле великоимените, знаменными и чудесы вскоре, отнеже Дух Святыи во Антиохии повеле ти начать превеликое служение Апостола языков: таже, достиг Кипра, Елимы волхва зрение омрачил еси и Сергия проконсула светом истины озарил еси. Сподоби и нас, света сего причащащихся, прославити дивная дела твоя в песнях и пениях духовных и воспевати тебе таковая:

Радуйся, свете сердец кротких и разумных, яже, яко доилица, греши и преступаеши писаньями твоими Богодухновенными; радуйся, желе наказания, сосуды лжи и лести до конца сокрушай, сердца же сокрушенная на недвижимем камени веры воздвизай.

Радуйся, Христово Евангелие в себе воплотивый и сего ради превыше видимых вознесенный и прославленный; радуйся, уста медоточная, радость многую Апостолом и верным возвестившая, яко отверзе тобою Господь дверь спасения всем языком.

Радуйся, ревнителю по Бозе, новый Илие, не на чуждем основании созидая и ревностию твоею страны дальния обтекаая; радуйтесь, Павле и Петре, весь мир между вами разделивши, во еже овому убо быти Апостолу языков, другому же проповедати народу избранному.

Радуйтесь, святии первоверховнии Апостоли Петре и Павле.

## Кондак 7

Хотя истину утвердить и мир Церкви оградить, пришел еси, Павле, поборниче правды, во святыи град, в немже на собрании святых Апостол и верных свидетельствовал еси вкупе с Петром и Варнавою, яко Дух Святыи дышит, идеже хощет, даруя благодать Свою независтно иудеом и еллином и верою вся спасая, а не мертвенными делы ветхаго закона. И тако воистину вси вернии, свободу и мир получивше, союзом любви связуеми, благодарственно воспевают Богу: Аллилуиа.

## Икос 7

Новаго архангела, провозвестника тайны, от века сокровенныя, избрал тя, Апостоле Петре, Господь, егда вопроси ученик Своя: «Вы же когдо Мя глаголете быти?» Ты же, от Отца Небеснаго просвещаем, возвестил еси несомненное основание нашея веры, глаголя ко Спасу: «Ты еси Христос, Сын Бога Живаго». Того ради и мы, чтуще тя, яко надежду нашего спасения неприкровенно исповедавши, взываем ти таковая:

Радуйся, Синаю новый, скрижаль спасения людем ясно показавый и свободу во Христе возвестивый; радуйся, первоположенный от Архитектонца Небеснаго камению веры и исповедания, на немже Церковь Христова неборимо основася.

Радуйся, первопоставленный вратарю входа райскаго, емуже первее обещаеся Господь дати ключи Царствия Небеснаго; радуйся, судие праведный, имый судити с прочими Апостолами обеманадесяте коленама Израилевама.

Рáдуйся, яко óчеса́ и ушеса́ твоя́ блаже́нная Христа́ Спа́са на́шего, Егóже лицезрети́ проро́цы пла́менне желáху, во плóти сýща на землi вiдеша и слы́шаша; рáдуйтеся, Пётре и Пáвле, имúщи и но́ги благовествова́ния красне́йшия и сердца́ освяще́нная, вы бо Ева́нгилю послужи́те и ева́нгельски пожiсте.

Рáдуйтеся, святи́и первоверхóвнии Апóстоли Пётре и Пáвле.

### Кондак 8

Стра́нное чу́до и неудóбь разумева́емое яви́лся еси́, Пётре, му́дрствующим земна́я, яко незнáтна ми́ра и уничиже́на избра́ тя Господь, и посрамил еси́ му́дрыя, одолел еси́ ца́рства, привел еси́ со́нмы омраче́нных ко Све́ту Истины, и донýне, якоже столп о́гненный, озаряеши вся земно́родныя, указу́я несомне́нный путь во блаже́нное Оте́чество. Сего́ ра́ди, богáтству благода́ти в тебе́ дивя́щися, поём Бо́гу: Аллилу́иа.

### Икос 8

Всем был еси́ вся, Пáвле, любóвию всех объёмля, сло́вом спасе́ния да́льных и бли́жних достизáя, véрою вся превозмога́я: зане́ и в Фили́ппех, мир благовесту́я, áще и па́лицами биен был еси́ лю́те и в темни́цу во око́вах ввержен, но воспел еси́ та́мо вку́пе с Си́лою песнь чу́дную хвалы́ и благодарения́ Бо́гу, Иже и возгреме́ рабо́м Свои́м тру́сом véлиим, яко и основа́ния темни́чная поколебáшася и двéри отверзо́шася. Мы же, ви́дяще тя, премúдре, тьму узiлища све́том Боговeдения озаря́юща и свобóду о Христe узником подаю́ща, воспева́ем ти сицевáя:

Рáдуйся, узни́че Христов, темни́цу во храм претвори́вый и у́зами твои́ми де́монов це́пи лю́дем разреши́вый; рáдуйся, си́льне, немо́щи немощны́х понеси́й, не себе́, но бли́жним угожда́ти иский.

Рáдуйся, пречу́дне, у́зами и скорбьми́ хвали́выйся, ра́доватися с ра́дующимися и пла́кати с пла́чущими научи́вый; рáдуйся, умерый греху́, но при́сно живый Бо́гови, тебé бо жизнь Христос и смерть приобретение.

Рáдуйся, óбразе неусы́пнаго дeлания, за́дняя забывáяй, в прeдняя простира́яйся и всем помышлeнием к по́чести вы́шняго звáния текий; рáдуйтеся, Пáвле и Пётре, да́же до сме́рти мученически́ Го́споду послужи́вшии и сею́, яко венце́м, по́двиг ваш венча́вшии.

Рáдуйтеся, святи́и первоверхóвнии Апóстоли Пётре и Пáвле.

### Кондак 9

Вся ко Христу́ приводя́, возвести́л еси́, Пáвле, во Афíнех мня́щимся му́дрым быти Премúдрость, свýше сходя́щую, да, ве́дяще сýетная, отселе́ увeдят Бо́га, невидимаго им, и ося́жут Егó, о Нем бо живeм и дви́жемся и есмы. Те́мже и мы, благода́тию неизрече́нною ра́зум и́стины восприeмше и се́рдцем нелóжно, яко́ благ Господь, пости́гше, поём Ему́ véрою твёрдою, якоже пeрстом от Фо́мы, осязу́ему: Аллилу́иа.

### Икос 9

Витийствовати не можа́ше язы́к челове́чь, егда́ Господь Сил но́зе рабо́м Свои́м умывáше и лeнтием отира́ше. Ты же, Пётре, стра́хом побежда́емь, áще возгласи́л еси́: «Не умы́еши ногу́ мою́ вове́ки», но áбие весь в послуша́ние преложил еси́, егда́ услы́шал еси́ глаго́л, рече́нный от Го́спода: «Áще не умы́ю тебе́, не имаши ча́сти со Мно́ю». И та́ко всем се́рдцем возопи́л еси́: «Го́споди, не но́зе мой то́кмо, но и ру́це, и главу́». Мы же, ве́дяще тя в сих, якоже зláто во огни́ искуше́ния, очища́ема и

познаваяще от смирения к послушанию восхождение твоё, таинству Божия промышления поклоняющеся, воспеваем ти сердцем смиренным такова:

Радуйся, Пётре, очеса брля, ймиже зрел еси Солнце Правды — Христа Бога, Иуде но́зе умывшаго и от него́ лобзанием лукавым преданнаго; радуйся, навеки уневестивыйся Христу́, ты бо, Агнцу Непорочно, якоже агнец, последуя, до заклания твоего́ верность соблюл еси́.

Радуйся, углю неугасимый, от жертвенника Небеснаго огнём любве Божественныя непрестанно объятый; радуйся, светильниче горяй и светяй, роды родов светом правды озаряяй.

Радуйся, грозде многообильный винограда Христова, на радость мира многопечального возвращенный; радуйтесь, Пётре и Павле, Христа́ Бога в себе верно вообразившии.

Радуйтесь, святии первоверховнии Апостоли Пётре и Павле.

### Кондак 10

Спасения во Христе неизследимую пучину и покаяния многую силу явил еси́ в себе, Пётре, егда́ трикраты по предреченному отвёрглся еси́ Господа: «Не вем Человека Сего́!» Егда́ клялся и ротился еси́ во дворе архиерея, но а́бие, вспоманув глагол Иисусов, вне текл еси́, плакася горько. Мы же, умильне взирающе на пресветлый сей образ сокрушения, в научение и обличение жестоковийных сердец наших дарованный, поём Господу, па́ки дивно возвеличившему тя: Аллилуиа.

### Икос 10

Стена́ и ору́жие непобедимое был еси́, Павле, противу миродержителей тьмы века́ сего́, яко и ца́рство их в Коринфе, Ефесе и инех гра́дех вселенныя сокрушил еси́, тьму многобожия разгоняя и разум истины утвержда́я. Ты бо неложно показался еси́ Божий слуга́ в терпении мно́зе, в скорбех, беда́х, в теснота́х, в ранах, темницах, в нестроениях, трудех, во бдениих, в пощениях, яко и ум наш недоумеет изрещи́ богатство доброты твоея́, деннонощныя подвиги со слеза́ми многими. Того́ ради, зряще мо́ре любве твоея́, дерзающе мо́лим: услыши нас, убогих, грешными усты́ глаголющих сицевая́:

Радуйся, умерый греху́ благовестниче непобедимый, яко в себе пер́вее ветхаго человека́ победив, Христу́ сораспялся еси́; радуйся, учителю́ многоплодный и волков хищных обличителю́, яко тобою́ образ верным показал еси́, присно бодрствуя и научая вся сугубо: словом и житием по слову́.

Радуйся, всех обогатителю́, яко, пре́жде сам обнищав и ничто́же имый, вся содержал еси́; радуйся, о христианах пламенный ревнителю́, обручивый я Христу́, яко де́ву чи́сту, непорочною невесту́.

Радуйся, утробо́ многоболезненная бы́вый о ча́дех твои́х в му́ках рождения, дондеже вообразится в них Христос; радуйтесь, Павле и Пётре, в Ду́се еди́нице согласная во еди́ном гра́де верность Христу́ кро́вию запечатлевшии.

Радуйтесь, святии первоверховнии Апостоли Пётре и Павле.

## Кондак 11

Пéти и ублажáти ўзы и страдáния твоя́, Пáвле многострадáльне, достóйно есть, я́ко не то́кмо в терпéнии мно́зе, но и с рáдостью предречéнными ти от Агáва проро́ка ўзы восприя́л еси́, и Цéркви Кесарийстей свидéтельствова́л еси́ си́це: «Не то́чию связа́н быти хо́щу, но и умре́ти гото́в есмь за́ имя́ Го́спода Иису́са». Емуже́ и мы, дивно́му во святы́х Свои́х, поём песнь: Аллилу́иа.

## Икос 11

Свéтом рáдости неизреченны́я и Божéственны́я любв́е осия́н был еси́, Пётре, егда́ Го́сподь по воскресéнии пёрвее́ прóчих апóстол яви́ся тебе́, скорбéвшему. По сих же па́ки явлься́, Влады́ка жи́зни вопро́си́ ты трикра́ты: «Симоне́ Ио́нин, любиши ли́ Мя?» Ты же, огнём Божéственны́я любв́е опаля́ем, отве́щал еси́ тёпле: «Го́споди, Ты ве́си, я́ко люблю́ Тя». Того́ ра́ди и мы, обнищáвшии духом, помяну́вше преизобильны́я то́ки слез и любв́е твоея́, и́хже ра́ди воззва́ ты Го́сподь на прэ́жний стéпень апóсто́льства, благоговéйне взывáем ти сицевáя:

Ра́дуйся, учите́лю пока́яния, слезáми го́рькими высоту́ смире́ния стяжа́вый и Воскрéсшим от грóба к рáдости неизглаго́ланней на ве́ки приобщéнный; ра́дуйся, премудро́сти глубино́, смиренномудрия́ высотó, пла́меню любв́е, о́браз жития́ всем ве́рным себе́ яви́вый.

Ра́дуйся, дру́же Го́спода Иису́са, и́го благовéстия ре́вно́стно понесы́й, над насле́дием Бо́жиим госпóдствовати не восхотéвый, но послуша́нию власте́м научи́вый; ра́дуйся, Апóстолу Хри́стов, му́дрость зми́йну и чистоту́ голу́бину в себе́ сочетáвый и о́бразом сме́рти твоея́ на кресте́ кра́йнее смиренномудрие́ показáвый.

Ра́дуйся, ра́бе Го́спода ве́рный, умно́живый да́нный тебе́ тала́нт и в рáдость Го́спода вше́дый; ра́дуйтесь, Пётре́ и Пáвле, сердца́ не те́сная, весь мир любóвию вместив́шая и концы́ вселéнныя просвети́вшая.

Ра́дуйтесь, свя́тии первоверхóвнии Апóстоли Пётре́ и Пáвле.

## Кондак 12

Благода́ть Ду́ха Уте́шителя, изли́явшаяся на главы́ ве́рных во о́бразе язы́ков о́гненных, ско́ро изли́йся из уст твои́х, Пётре, глаго́лом о́гненным, во е́же благовести́ти с си́лою мно́гою Хри́ста́ распя́та не то́чию поги́бшим овца́м до́му Изра́илева, но и язы́честей непло́дящей цéркви, да плодонóсит и сия́ Бо́гови нетле́нный крин чистоты́ и пока́яния. Испро́си и нам, Апóстолу досто́блаже́нне, ми́лость Го́спода, творя́щаго то́бою вели́кая и чу́дная, руко́ю твоею́ ме́ртвья воскрешáющая и сме́ртию твоею́ на кресте́ ме́ртвенную любóвь на́шу воспламеня́ющая, да непреста́нно поём Емуже́: Аллилу́иа.

## Икос 12

Пою́ще пресвётлую па́мять твою́, Пáвле, достóйно ублажа́ем неизреченны́я по́двиги, болéзни и труды́, я́же во бде́ниях, во алчбé и жа́жде, в поще́ниях, в зимé и наготé понéсл еси́. Кто бо изочтёт ра́ны, ско́рби и бе́ды твоя́ во гра́дех, в пусты́ни, в мо́ри, бе́ды от разбо́йник, бе́ды от срóдник, бе́ды от язы́к и лжебра́тии? Кто подо́бен тебе́? Па́че всех Апóстол потруди́лся еси́. Те́мже мо́лим: не возгнуша́йся нас, грéшных, моля́щихся тебе́, но я́коже всем был еси́ вся, и ны́не услы́ши немощны́м гла́сом приноси́мая ти сицевáя:

Ра́дуйся, ўзнице́ Хри́стов, из темни́цы свет распро́страни́вый, слóвом и послáнием во ўзах мно́го потруди́выйся, занé вои́стину слóво Бо́жие не вя́жется; ра́дуйся,

неизслѣдимая пучино любвѣ, по брѣтии твоѣй отлучѣн быти от Христа преискренне восхотѣвый.

Радуйся, подвижнице предивный, подвигом добрым подвизавыйся, течение совершивый и кровию твоєю Церковь украсивый; радуйся, источаяя море чудес, яко главотяжи и убрѹсы твои недѹги исцеляху и дѣмоны прогоняху.

Радуйся, любвѣ Божия неразлучный причастнице, горняя мудрствуяй, а не земная, зане и от плоти разрешитися и со Христом быти возжелал еси; радуйтесь, Павле и Пётре, веры христианския насадителие, благочестия водами напоителие и ко пристанищу вѣчному вернии водителие.

Радуйтесь, святѣи первоверховнии Апостоли Пётре и Павле.

### **Кондак 13**

О всехвальнии благовѣстницы Пётре и Павле! Внемлите воздыханием сердец наших, молящиеся за ны, много бо может молитва праведных пред Богом: потщитесь и ныне воспоминати нам о небеснем званіи и христианстей кончине жизни нашея, привлечѣте нас ко сладости евангельския истины, свяжите узами любвѣ Христовы, да мы вси, отвѣргшеся нечестія и мирских похотей, внидем в радость Господа нашего, поюще Ему со Ангелы и с лики святых: Аллилуѣа.

*Этот кондак читается трижды, затѣм 1-й икос «Ангели благовѣстницы...» и 1-й кондак «Избраннии проповѣдницы...».*

### **Молѣтва**

О преславнии апостоли Пётре и Павле, души за Христа предавшии и кровию вашею пажить Его удобрившии! Услышите чад ваших молитвы и воздыхания, сердцем сокрушенным ныне приносимыя. Се бо беззаконіи омрачихомся и того ради бедами, яко же тучами, обложихомся, еяже же добраго житія обнищяхом зело. О сильнии! Понесите немощи наша, не отлучайтесь духом от нас, да не разлучимся вконѣц от любвѣ Божия, но крепким заступлением вашим нас защитите, да помилует Господь всех нас молитв ваших ради, да истребит же рукописание безмерных грехов наших и да сподобит со всеми святыми блаженнаго Царствия и брака Агнца Своего, Емуже честь, и слава, и благодарение, и поклонение во веки веков. Аминь.